




# STREEK VAALRIVIER



**DIE KEKKELBEK  
SEPTEMBER/OKTOBER 2021  
LENTE-UITGAWE**



# BESTUURSLEDE VAN STREEK VAALRIVIER



**VOORSITTER**  
**Jacques Roux**

SELFOON NO:  
083-704 4900

E-POS ADRES:  
[jacquesr@petroindustrial.co.za](mailto:jacquesr@petroindustrial.co.za)



**ONDER-  
VOORSITTER**  
**Eugéne Botha**

SELFOON NO:  
82-740 7378

E-POS ADRES:  
[eugene.botha@geniegenius.co.za](mailto:eugene.botha@geniegenius.co.za)



**SEKRETARESSE/  
REDAKSIE**  
**Louise van Zyl**

SELFOON NO:  
083-447 5784

E-POS ADRES:  
[sekretaresse.vaalrivier@gmail.com](mailto:sekretaresse.vaalrivier@gmail.com)



**PENNING-  
MEESTER**  
**Elize v d Schyff**

SELFOON NO:  
072-205 9681

E-POS ADRES:  
[sawa.vaalpenning@gmail.com](mailto:sawa.vaalpenning@gmail.com)



**TEGNIESE  
VERTEEN-  
WOORDIGER**  
**Jacques van Zyl**

SELFOON NO:  
083-546 9696

E-POS ADRES:  
[jacques@infinitegroup.co.za](mailto:jacques@infinitegroup.co.za)

# INHOUDSOPGawe

- \* **Inleiding: Dare to Dream**
- \* **Die Voorsitter se voorlegging**
- \* **Die Sekretaresse se boodskap**
- \* **Klipdraai nasionale saamtrek**
- \* **Sionbergh kampnaweek**
- \* **“Brownie” in ‘n beker**
- \* **Lief en Leed**
- \* **Volgende saamtrek**
- \* **2022 Jaarprogram**
- \* **LAG is die beste medisyne**
- \* **Besluit om positief te wees**
- \* **Afsluiting**



# INLEIDING

## Dare To Dream

by Wendy Sibra

*Close your eyes and let  
your imagination fly away.  
See a picture of where  
you wish to be one day.*

*Let the colors of your  
heart take command  
to paint the picture of your  
dream and place it in your hand.*

*Hold on tightly and nurture it,  
but allow it room to grow.  
When you reach your dream,  
open your hand and let it go.*

*Close your eyes and search for  
another, caring for it as before.  
Never stop searching, achieving and  
letting go, for that's what dreams are for.*





Hallo SAWA- vriende,

Ek skryf die brief aan julle met 'n lied in die hart. Die somerreën bring nuwe lewe, die wêreld raak groen en blomme bring kleur terug na 'n lang, vaal tydperk. 'n Mens voel sommer opgewonde oor elke nuwe dag. Maar dit maak ons ook net weer bewus van God se mag en majesteit om uit niks weer soeveel mooi voort te bring.

Wat 'n lekker kampnaweek het ons nie gehad nie. Die weer was lekker warm en al het die wind met tye goed gewaai, het dit nie die kuierges gesedemp nie.

Dit was so lekker om vriende wat lanklaas gekamp het soos Dot, Bertus en Louis weer saam met ons te hê.

Ek wil weer eens ons kampkommandante, oom Dries, tannie Louise, oom Kobus en tannie Babara, bedank vir die lekker kamp wat hulle vir ons aangebied het. Vrydaggaand se kosaksie was iets nuuts by die kamp maar ek dink dit was 'n wenidee. Saterdaggaand se braai het ook weer gewys dat Sawanante 'n hond uit 'n bos kan kuier om 'n braai.

Baie dankie aan elke lid wat so diep in die sakke gedelf het en die lootjies en visvang-kompetisie so sterk ondersteun het. Dit het rôrig die kas 'n goeie hupstoot gegee. Met dit gesê, wil ek elkeen wat 'n prys gewen het, gelukwens. Beverley met die kombers - al was dit te laat om Saterdaggaand se koue te help tem. Tannie Petro, in haar afwesigheid, met die Thermomug asook Kobus Botha met die ander Thermomug. Hy het nogal gedink dis heel gepas dat hy dit wen aangesien sy ander koffiebeker Saterdag langs die viswater in die slag gebly het. Baie geluk ook aan ons ywerige hengelaar, JJ Botha, wat die Sionberg monster gevang het.

Dankie ook aan al die dames wat gesorg het dat ons lekker bederf word met die heerlikste eetgoed na kerk.

Ons sien nou uit na die Kerskamp by Riverside Beach Club en glo dat dit net so lekker en suksesvol sal wees. Ons hoop om sommer almal by die kamp te sien sodat die lekker kuier voortgesit kan word.

My hoop vir elke lid is dat hulle God se genade in oorvloed sal beleef en met harte vol dankbaarheid elke dag sal aanpak. Sien julle binnekort by die rivier onder die karavaantent.



Jacques



Lieve Vaalrivier-vriende, hoe lekker is dit om weer met julle te kan gesels. Ons vertrou dat die komende jaar baie minder virusse en baie meer kampe sal oplewer as die huidige jaar.

Tydens die afgelope SAWA-kongres is Vaalrivier se Kekkelbek weer aangewys as die beste nuusbrief vir 2020-2021. Vir hierdie prestasie moet ons julle bedank want as julle nie kom kamp en meedoen aan die bedrywighede by kampe nie, kan ons nie 'n nuusbrief saamstel nie. En aan ons fotograaf – baie dankie vir al die puik foto's elke keer. Nou moet ons weer skouer aan die wiel sit vir die komende jaar. Ons maak staat op jul teenwoordigheid by die kampe.

Die pas afgelope kamp by Sionbergh was die begin van 'n nuwe kampjaar en ons het goed afgeskop. Winderig was dit wel die hele naweek met so nou en dan 'n klankie daar van die verkeerde kant af, afhangende van watter kant die wind gewaai het. Maar geniet het ons dit geniet. Baie dankie aan ons kampkommandante wat hulle deeglik van hul taak gekwy het. Dit was vir almal so lekker dat ons alreeds 'n aanbod ontvang het vir 'n kampkommandant met ons volgende kamp by Sionbergh. Dit is die gees wat ons as bestuur se harte bly maak en dit vir ons die moeite werd maak. As almal hul kant bring en deel word van die verrigtinge, maak dit ons taak baie makliker en ook baie lekkerder. Baie dankie vir die goeie gees wat die hele naweek by die kamp geheers het. Ook aan die dames se bereidwilligheid om ons te ondersteun met verversings by die afsluitingstee elke keer - baie dankie julle is die beste!!

Ons sien daarna uit om julle almal by die Kersboomkamp te verwelkom. Dit beloof om ook 'n lekker naweek te wees. So, pluk die vere reg en pak die woonwa dat alles gereed is vir nog 'n heerlike kampnaweek.

*Louise*



# **NASIONALE SAAMTREK TE KLIPDRAAI**

## **23 – 26 SEPTEMBER 2021**

Wat 'n lekker vooruitsig was dit om vir 'n hele langnaweek rustig te kon kamp. Die meeste van die 10 Vaalrivier woonwaens het sommer vroeg-vroeg Donderdagoggend al opgedaa.



Dit was 'n pragtige dag, skoon lug en lieflike sonskyn, wat kan mens nou meer vra.



Ons staanplekke was op die verste punt van die kamp, weg uit die gewoel maar net so ver weg van die ablusieblokke. Dit het soos kilometers ver gevoel om by die geriewe uit te kom, partykeer met noue ontkomings.



Oral lekker besig



Heerlike aande



Gesellig saamkuier met 'n koffietjie ..... ryk en leekkker!!



'n Man moet darem eet ook.





Daar is opgemerk dat Jolandi Botha kort-kort besig was met skottelgoed. Dit moes die solarpaneel wees wat haar so opge-“charge” het en die skottelgoed het deurgeloop



Die boeremark was 'n groot aantrekkingskrag



Lekker makietie saam met Jennifer Zamudio

## SIONBERGH: 22-24 OKTOBER 2021



Ons eerste kamp ná die AJV. Met 14 woonwaens mooi agter- en langs mekaar opgestel, begin ons 'n winderige naweek. Maar selfs die onplesierige wind kon nie die plesierigheid van ons klompie wegwaai nie.

Ons kampkommandante vir die naweek, Dries en Louise van der Linde en Kobus en Babara Kamffer, het al van Donderdag af alles begin reg kry vir 'n heerlike naweek. Vrydagaand is ons bederf met heerlike vetkoek en maalvleis.

Kyk hoe lekker rustig!

Die wind het gaan lê en dit lyk my al die Vaalriviervriende het ook gaan lê, nêrens is 'n lewende siel te sien nie. Magies lekker vol van die vetkoek en maalvleis.



Saterdagoggend en die wind is vroeg-vroeg aan die gang



Waar wil jy nou mooier en lekkerder kry?



En natuurlik, die wet van Transvaal geld nog steeds - net soos in die verlede....



Hier word nie gespeel nie, hier word invorderings gedoen!!



Saterdag na boekvat en betaaltyd het die vissermanne die water aangedurf om te kyk wie die grootste vis en meeste visse kan vang.



Dit lyk nie of hierdie tweetjies juis visvang in gedagte gehad het nie .....

En hierdie vissermanne het hul posisies verlaat, dit lyk of die visse ander planne vir die dag het.



Ons fotograaf het bietjie rondgeloop en "sight seeing" gedoen.



Daar was darem een vissie wat nie gou genoeg weggekom het nie en JJ Botha was die gelukkige visserman om die eerste (en enigste) vis te vang!



Baie geluk JJ!!

Jy het die ervare vissermanne 'n ding of twee gewys. 'n Vis wat 250 gm weeg, is beter as niks.



Dis lentetyd, die waterlelies is in volle blom

Saterdagaand was dit tyd vir saambraai en saamkuier. Terwyl die son ondergaan, word die braaivure aangesteek.



Kobus is die stoker en Jacques kyk toe dat alles reg verloop. Dis mos 'n Voorsitter se plig om te kyk dat alles reg gedoen word.



En toe is dit tyd vir braai!!!



Sondagoggend het Pastoor Johan Venter die erediens waargeneem met 'n pragtige boodskap oor vergifnis. Dit het sekerlik 'n indruk gelaat op almal van ons.



Sondag na die erediens is dit die Voorsitter se beurt om ons in te lig oor al die aktiwiteite en opbrengste van die naweek.



Anton en Joey Delpot ontvang hul toekenning vir 60% bywoning gedurende die afgelope jaar.



Jacques en Lizelle van Zyl ontvang 'n Streekstoekenning vir 50 streek-saamtrekke bygewoon



Kobus en Zelda Botha ontvang 'n streekstoekenning vir 30 streek-saamtrekke bygewoon



Beverley is die wenner van die lootjie vir die gehekelde kombers



Die wenner van die een "thermo mug" is Kobus Botha.



JJ Botha, wenner van die enigste vis gevang, ontvang sy prys.



Aangesien daar nie meer as een vis gevang is nie, word besluit dat die prys wat na die persoon sou gaan wat die meeste visse gevang het, as 'n lootjie getrek word. Die gelukkige persoon is Jacques van Zyl.

Petro van Niekerk was die wenner van die tweede "thermo mug". Petro, ons hou dit oor totdat julle weer saam kamp.

Ons kampkommandante: baie dankie vir jul ywer en geesdrif gedurende die naweek. Ons almal het die kamp terdeë geniet. Al die ander lede kan by hierdie viertal kom uitvind hoe hulle die kamp aangebied en terselfdertyd ook net so baie geniet het. Dan kan julle ook vir ons kampe aanbied. Ons benodig baie kampkommandante vir die komende jaar.



En toe is dit tyd om die verversings te geniet. Baie dankie aan almal wat bygedra het tot díe heerlike bederf.



Nou is dit tyd vir skottelgoed Was. Dit lyk of dit die hele naweek se skottelgoed is.

## RESEP: “BROWNIE” IN ‘N BEKER

Tydens die afsluitingstee, het ek opgemerk dat almal vir die “brownie”-bak geduik het. Sommer gou-gou was die bak leeg en moes ‘n tweede bak uitgehaal word.

Hier is ‘n baie maklike resep wat ons by die kamp kan maak en dadelik geniet:

½ koppie koekmeel  
½ koppie suiker  
2 eetlepels kakao  
knypie sout  
2 eetlepels kookolie  
2 eetlepels water  
1/4 teelepel vanielje

Meng al die bestanddele en mikrogolf vir  $1\frac{1}{2}$  minute op Hoog.  
Geniet dit met ‘n skeppie roomys of vla bo-op.



## LIEF EN LEED


Die volgende lede vier hul verjaardae:



### NOVEMBER

- |    |                     |
|----|---------------------|
| 01 | Jacques Roux        |
| 01 | Sarie Kellerman     |
| 08 | Bertus Venter       |
| 11 | Wilma Hartslief     |
| 29 | Frans van der Linde |

Huwelikshedenkings:



### NOVEMBER

- |    |                           |
|----|---------------------------|
| 12 | Eugéne & Jolandi Botha    |
| 12 | Anton & Joey Delpot       |
| 20 | Willem & Corrie Pretorius |

Sterkte en spoedige beterskap aan  
lede wie tans ongesteld is asook  
enige behandeling ontvang.



Ons sportster is Elize van der Schyff wie  
die dames F-klas "Target Rifle"- afdeling  
gewen het tydens die Gauteng Noord  
Bisley langafstand skietkompetisie –  
300m, 700m, 800m en 900m. Baie geluk!

Jolandi Botha het vir haar,  
Eugéne en die seuns 'n nuwe  
woonwa aangeskaf. Die  
boswa werk nie meer vir  
naweke nie. Baie geluk julle,  
geniet dit.



## **VOLGENDE SAAMTREK: KERSKAMP TE RIVERSIDE BEACH CLUB**


Ons Kerskamp sal die naweek van 19-21 November 2021 te RIVERSIDE BEACH CLUB, Sasolburg, plaasvind.

Reëlings in verband met die Kersverrigtinge is soos volg:

- \* Die Kersboom en Kersvader sal slegs vir laerskoolkinders aangebied word. Lekkergoedpakkies, koeldranke en geskenkpakkies sal ook tot laerskoolkinders beperk word. Die mening is dat groter kinders nie meer belangstelling in 'n Kersvader het nie.
- \* 'n Bedrag van R50 per kind sal gehef word vir lede wat hul kleinkinders (wat nog op laerskool is) wil saambring om die Kersverrigtinge by te woon. Let Wel: Hierdie reëling geld nie vir kleinkinders wie se ouers lede van Streek Vaalrivier is nie.
- \* Die program en beplanning vir die betrokke naweek sal binnekort versprei word.

Ons sien uit na 'n vrolike naweek met 'n groot aantal woonwaens en Vaalrivierlede sodat ons 2021 op 'n hoë noot kan afsluit.





**2022 JAARPROGRAM  
VAN  
STREEK VAALRIVIER**

Hieronder volg die jaarprogram vir 2022.

2022	OORD	DATUM
Januarie	Bloekompoort	21-23 Januarie
Februarie	Weltevrede	18-22 Februarie
Maart	Riverlake, Lindequesdrift	18-20 Maart
April	Presidente-saamtrek	15-18 April
Mei	Sionbergh	20-22 Mei
Junie	Buffelspoort	16-19 Junie
Julie	Geen kamp op hierdie stadium	
Augustus	Bloekompoort (AJV)	19-21 Augustus
September	Eastco	16-19 September
Oktober	Umfula	Verrassingskamp
November	The Riverside Beach Club, Sasolburg	25-27 November

Ons het die oorde gekies na aanleiding van jul keuses soos deurgegee.

Merk solank hierdie datums op jul kalenders vir 2022 met groot rooi merke sodat julle dit nie kan vergeet nie.



Twee kannibale sit en eet aandete.  
Die een kannibaal sê vir die ander:  
"Ek hou niks van my skoonma nie."  
Die ander kannibaal sê vir die eerste  
een: "Okay, eet dan maar net jou  
chippies".



Wie kan dit verduidelik?



#### MY STORIES BEGIN AS LETTERS

My pen is my wonderland.  
Word water in my hand.  
In my pen is wonder ink.  
Stories sing. Stories sink.

My stories sleep. My stories stop.  
My pen is my wonder stop.  
Drink letters. Drink my ink.  
My pen is blind. My stories blink..

Lees hierdie beide in Afrikaans en Engels

**ADD SAGE or ROSEMARY**  
to your campfire to help keep  
mosquitos and other bugs away:



Tip: wrap the herb in aluminum foil...  
wet it...poke some holes in the foil...  
it will smoke all night.





## BESLUIT OM POSITIEF TE WEES

(Geleen uit *My tyd met God*  
geskryf deur Joyce Meyer)

*U goedheid en liefde sal my lewe lank by my bly .....*

*Psalm 23:6 – (1983-vertaling)*

Die psalmskrywer, Dawid, het gereeld positiewe dinge gesê en ons kan besluit om dit ook te doen. Neem die besluit om elke dag binne die eerste twee uur nadat jy opgestaan het minstens vyf positiewe dinge te sê. Dit sal jou gesindheid verbeter en goeie gevolge hê.

Dit is maklik om na al die negatiewe dinge te luister wat deesdae so algemeen in ons gemeenskap is en om dan self ook negatief te word. As jy egter vas besluit om positief te wees, is die kans groter dat dit sál gebeur.

Stel sommer nou 'n lys op en begin om jou dag te verander! Hoe meer positief jy is, hoe meer sal jy van jou lewe hou.

*Verklaring: God is goed vir my en ek sien uit na hierdie dag!*



# AFSLUITING

